



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-272-4/25**

Datum: **23.10.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «HEIDELBERG MATERIALS CEMENT BiH» d.d. Kakanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta kompleksa pogona za proizvodnju cementa u ul Selima ef Merdanovića br 146, općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «HEIDELBERG MATERIALS CEMENT BiH» d.d. Kakanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta kompleksa pogona za proizvodnju cementa izgrađenog na zemljištu označenom kao k.č. broj: 974/1 K.O. Doboj u ul Selima ef Merdanovića br 146, općina Kakanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog kompleksa pogona za proizvodnju cementa vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se sistem za prikupljanje i prečišćavanje otpadnih voda, instalirana oprema i objekti na lokalitetu pogona održavaju u funkcionalnom stanju i koriste u skladu sa namjenom i uslovima iz ove vodne dozvole
 - 2.3. Da se, za vrijeme trajanja ove dozvole, obezbijedi da se onečišćene otpadne vode sa platoa, parking i manipulativnih površina predmetnog kompleksa nesmetano sakupljaju i odvede do objekata predviđenih za tretman otpadnih voda (taložnik i separator ulja i masti), a zatim ovako tretirane vode ispuštaju preko okna za monitoring u rijeku Bosnu.
 - 2.4. Prečišćene otpadne vode, prije ispuštanja u recipijent – rijeka Bosna, moraju ostati u maksimalno dopuštenim granicama definisanim u Prilogu 1. Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Objekte čija je svrha odvodnja i tretman onečišćenih otpadnih voda sa platoa, parking i manipulativnih površina predmetnog kompleksa (separator ulja i masti, taložnik, odvodni kanali, slivnici sa rešetkama...) potrebno je održavati i koristiti na takav način koji će obezbijediti njihovu potpunu ispravnost i funkcionalnost.
 - 2.6. Čišćenje i pražnjenje taložnika i separatora ulja te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz separatora ulja i masti kao i preuzimanje drugog opasnog otpada.
 - 2.7. Sadržaj (mulj) iz taložnika i separatora ulja se ne smije ni privremeno odlagati na česticu «vodno dobro», odnosno u vodotoke i na njegove obale.
 - 2.8. Skladištenje otpadnih materija koje se mogu javiti u tehnološkom procesu i koje se direktno ili indirektno prikupljaju, a mogu štetno djelovati na okolinu vršiti u adekvatnim kontejnerima i buradima do preuzimanja istih od strane firme registrovane za tu vrstu djelatnosti.
 - 2.9. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring prije ispusta u recipijent – rijeka Bosna, u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o

uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.10. Da se redovno održava tankvana u kojoj su smješteni spremnici za mazut koji se ranije koristio u proizvodnom procesu te periodično vrši ispitivanje vodonepropusnosti iste.
- 2.11. Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica usljed prosipanja istih.
- 2.12. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije) obavezan je, za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, «HEIDELBERG MATERIALS CEMENT BiH» d.d. Kakanj dana 17.06.2025. godine podnesen je ovoj Agenciji zahtjev za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta kompleksa pogona za proizvodnju cementa izgrađenog na zemljištu označenom kao k.č. broj: 974/1 K.O. Doboj u ul Selima ef Merdanovića br 146, općina Kakanj.

Uz zahtjev je dostavljena sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-24-000625 izdatog dana 12.06.2024. godine od strane Općinskog suda u Zenici,
- Ovjerena kopija Aktuelnog izvoda iz sudskog registra broj: 043-0-RegZ-25-000441 izdatog dana 14.02.2025. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 20.02.2024. godine od strane Porezne uprave Federacije BiH - Kantonalni porezni ured Zenica,
- Ovjerena kopija Obavještenja o razvrstavanju poslovnog subjekta prema klasifikaciji djelatnosti broj: 07-28-5-2354/24 izdatog dana 28.02.2024. godine od strane Službe za statistiku Zeničko-dobojskog kantona,

- Kopija Rješenja o odobrenju za građenje broj: 03/10-351-136/73 izdatog dana 11.12.1973. godine od strane Sekretarijata za privredu i komunalne poslove Skupštine Opštine Kakanj,
- Kopija Rješenja o upotrebnoj dozvoli broj: 03/5-361-27/79 i broj: 05/4-361-566/83 izdatog dana 29.01.1985. godine od strane Opštinske komisije za urbanizam, građevinarstvo i stambeno-komunalne poslove Opština Kakanj,
- Kopija Rješenja o obnovljenoj okolišnoj dozvoli broj: UPI 05/2-19-5-144/21 izdatog dana 06.12.2021. godine od strane Federalnog ministarstva okoliša i turizma Sarajevo,
- Kopija dopisa/odgovor na zahtjev broj: UPI 05/2-19-5-144/21 upućenog dana 07.06.2024. godine od strane Federalnog ministarstva okoliša i turizma Sarajevo po pitanju izmjene rješenja o okolišnoj dozvoli obzirom na promjenu imena Investitora),
- Projekat izvedenog stanja sistema za prikupljanje, tretman i ispuštanje otpadnih voda sa načinom vodosnabdijevanja kompleksa «HEIDELBERG MATERIALS CEMENT BiH» d.d. Kakanj urađen od strane «TQM» d.o.o. Lukavac (broj: 10-113-5672/24, septembar 2024. godine),
- Kopije Izvještaja o monitoringu kvaliteta i kvantiteta otpadnih voda za «HEIDELBERG MATERIALS CEMENT BiH» d.d. Kakanj za februar (broj: 7-067-785/25), mart (broj: 7-121-1457/25), april (broj: 7-202-2493/25) i maj (broj: 7-314-3344/25) urađenih od strane «TQM» d.o.o. Lukavac,
- Zbirni izvještaj broj: 7-977-9245/24 o rezultatima ispitivanja kvaliteta i kvantiteta otpadnih voda za «HEIDELBERG MATERIALS CEMENT BiH» d.d. Kakanj za 2024. godinu urađen u decembru 2024. godine od strane «TQM» d.o.o. Lukavac,
- Program obavljanja monitoringa kvaliteta i kvantiteta otpadnih voda za «Tvornicu cementa Kakanj» d.d. Kakanj za 2020. godinu urađen od strane «TQM» d.o.o. Lukavac,
- Izvještaj broj: 7-602-6408/24 o rezultatima ispitivanja tereta zagađenja otpadnih voda izraženog preko EBS-a za «HEIDELBERG MATERIALS CEMENT BiH» d.d. Kakanj urađen od strane «TQM» d.o.o. Lukavac, septembar 2024. godine,
- Opći akt o korištenju, monitoringu rada, ulaznih i izlaznih parametara, praćenju tokom redovne eksploatacije i održavanja kao i postupci u slučaju kvara ili havarije na svim hidrotehničkim instalacijama i objektima u krugu kompleksa «Tvornica cementa Kakanj» d.d. Kakanj, februar 2022. godine,
- Kopija Rješenja o vodnoj dozvoli broj: UP-I/25-3-40-317-4/20 izdatog dana 23.10.2025. godine od strane «Agencije za vodno područje rijeke Save» Sarajevo,
- Kopija Rješenja o izmjeni rješenja o vodnoj dozvoli broj: UP-I/25-3-40-317-6/20 izdatog dana 28.05.2024. godine od strane «Agencije za vodno područje rijeke Save» Sarajevo (promjena imena Investitora),
- Kopija Rješenja o vodnoj dozvoli za zahvat vode iz rijeke Bosne broj: 04/1-21-3883-2/22 izdatog dana 28.10.2022. godine od strane Službe za privredu, urbanizam i zaštitu okoline Općina Kakanj,
- Kopija Ugovora broj: 01-07.03-24638/24 o čišćenju separatora i transportu zauljenog mulja i taloga zaključenog dana 02.12.2024. godine između «HEIDELBERG MATERIALS CEMENT BiH» d.d. Kakanj i «DELTA PETROL» d.o.o. Kakanj,
- Kopija računa broj: 002166-1 o čišćenju separatora i zbrinjavanju mulja i talogu izdatog dana 27.06.2025. godine od strane «DELTA PETROL» d.o.o. Kakanj,
- Kopija Ugovora broj: 01-07.03-25307/24 o skupljanju, manipulaciji, privremenom skladištenju i zbrinjavanju opasnog otpada zaključenog dana 10.12.2024. godine između «HEIDELBERG MATERIALS CEMENT BiH» d.d. Kakanj i «KEMEKO-BH» d.o.o. Lukavac,
- Kopija računa broj: 00617/25 o preuzimanju otpada izdatog dana 25.05.2025. godine od strane «KEMEKO-BH» d.o.o. Lukavac,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona i tom prilikom je sačinjen Zapisnik o uviđaju broj: UP-1/21-3-40-272-3/25 od 30.09.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks pogona za proizvodnju cementa izgrađen je u naselju Doboj u ul Selima ef Merdanovića br 146, općina Kakanj uz lokalnu saobraćajnicu. Cjelokupni tehnološki proces proizvodnje cementa počinje eksploatacijom krečnjaka na kamenolomu Ribnica i Greben a sam tok proizvodnje se obavlja u krugu pogona.

Za predmetni kompleks je u ranijem postupku od strane ove Agencije dana 23.10.2020. godine izdato Rješenje o vodnoj dozvoli broj: UP-I/25-3-40-317-4/20. Uslovi definisani tačkom 3. Rješenja su u potpunosti ispunjeni. Prema izjavi predstavnika podnosioca zahtjeva, nije bilo promjena u tehnološkom postupku spravljanja cementa niti u načinu prikupljanja i tretmana onečišćenih otpadnih voda nastalih u krugu kompleksa od izvršenog uviđaja na terenu u postupku izdavanja prethodno izdate vodne dozvole.

Jedina promjena se desila u nazivu Investitora te je dana 28.05.2024. godine doneseno Rješenje o izmjeni rješenja o vodnoj dozvoli broj: UP-I/25-3-40-317-6/20.

Snabdijevanje pitkom vodom za kompleks objekata riješeno je priključkom na gradski vodovodni sistem kojim upravlja JP «VODOKOM» d.o.o. Kakanj.

Za tehnološke potrebe voda se zahvata iz rijeke Bosne za što je od strane Službe za privredu, urbanizam i zaštitu okoline Općina Kakanj doneseno Rješenje o vodnoj dozvoli broj: 04/1-21-3883-2/22 od 28.10.2022. godine (zahvat u količini oko 2,25 l/s). Voda nije direktno uključena u proces proizvodnje jer se ni kojem segmentu proizvodnje cementa ne koristi kao sirovina nego se koristi za sistem hlađenja postrojenja. Za potrebe racionalizacije potrošnje tehnološke vode tokom 2010. godine pušteno je u rad postrojenje za recirkulaciju tehnološke vode i u istom se samo vrši dopuna izgubljenih količina. Zahvaćena voda preko mjerača protoka dolazi u dva bazena u kojima je vrijeme retencije cca 30min gdje se ujedno vrši i grubo taloženje. Voda se pumpama prebacuje na brze pješčane filtere pod pritiskom gdje se odvija njeno filtriranje. Profiltrirana voda odlazi u sistem tehnoloških cjevovoda a dio vode se pohranjuje u bazen vode za pranje filtera. Voda od pranja filtera se odlaže u poseban bazen gdje se odvija taloženje. Nadmuljna voda se preko preliva vraća u rijeku Bosnu a istaloženi materijal preuzima od strane «DELTA PETROL» d.o.o. Kakanj prema ugovoru.

Proizvodni proces proizvodnje cementa tehnološki je takav da direktno ne produkuje tehnološke otpadne vode. U krugu kompleksa nastaju procesne otpadne vode, sanitarno fekalne i oborinske vode sa radnih odnosno manipulativnih površina.

Procesne otpadne vode korištene za hlađenje postrojenja u pojedinim segmentima proizvodnje su u zatvorenom recirkulacionom sistemu i ne ispuštaju se u recipijent. Ove vode su relativno čiste jer ne dolaze u dodir sa sirovinama, poluproizvodima i gotovim proizvodima.

Sanitarno fekalne vode iz sanitarnih čvorova i otpadne vode iz restorana za uposlene se prikupljaju zasebnom kanalizacionom mrežom, odvođe u postrojenje za tretman istih te nakon prečišćavanja ispuštaju u gradski kanalizacioni sistem.

Onečišćene otpadne vode sa uređenih platoa, parking i manipulativnih površina se prikupljaju zasebnim kanalizacionim sistemom sa uličnim slivnicima i slivnim rešetkama a potom odvođe u jednolinijski taložnik na tretman a potom u separator ulja i masti sa koalescentnim filterom (kapacitet 300 l/s). Prečišćene vode se preko okna za monitoring ispuštaju u rijeku Bosnu.

Monitoring otpadnih voda se vrši redovno. Na uvid predložen Godišnji izvještaj o rezultatima ispitivanja kvaliteta (monitoring) otpadnih voda za 2024. godinu kao i izvještaji za februar, mart, april i maj 2025. godine urađeni od strane «TQM» d.o.o. Lukavac. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Čišćenje separatora i taložnika se vrši redovno od strane «DELTA PETROL» d.o.o. Kakanj prema ugovoru (priložen račun o čišćenju od 27.06.2025. godine)

Prema Izvještaju o rezultatima ispitivanja tereta zagađenja otpadnih voda izraženog preko EBS-a urađenom u septembru 2024. godine, utvrđen je ukupan teret zagađenja otpadnih voda izražen kao ekvivalentni broj stanovnika: EBS=705,20 ES-a (mjerno mjesto: neposredno prije ispusta u rijeku Bosnu). Otpadna ulja i masti, nastali čvrsti opasan i neopasan otpad se uredno skladišti u natkrivenom prostoru do preuzimanja od strane «KEMEKO-BH» d.o.o. Lukavac prema ugovoru.

Pošto se u proizvodnom postupku dobijanja cementa ranije koristio mazut, izgrađena je tankvana u kojoj su smješteni spremnici za mazut. Iako se mazut više ne koristi redovno se rade ispitivanja vodonepropusnosti betona za ploču kod silosa 2 - tank mazuta i za ploču ispod platoa kod cjevovoda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog postrojenja u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «HEIDELBERG MATERIALS CEMENT BiH» d.d. Kakanj ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta kompleksa pogona za proizvodnju cementa u Kakanju, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-272-2/25 od 19.09.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

– «HEIDELBERG MATERIALS CEMENT BiH» d.d. Kakanj
ul. Selima ef. Merdanovića br 146, 72240 Kakanj

⊖ AVP Sava, ISV – Vodna knjiga

– Sektor 50

– Sektor 40 - arhiva

– Oglasna ploča - AVP Sava